



1. KINSA ANG DIYOS?

1 KINSA ANG DIYOS?

“Imong gilalang ang tanang butang.”—Pinadayag 4:11

Unsay gitudlo kanato sa Bibliya bahin sa Diyos?

Pinadayag 15:3

Siya ang Labing Gamhanang persona sa uniberso.

Salmo 90:2

Siya walay sinugdanan ug walay kataposan.

Mateo 6:9

Ang Diyos mao ang atong Amahan. Gusto niya nga makabaton kitag labing maayong kinabuhi.

Buhat 17:27

Gusto sa Diyos nga masuod ta kaniya.

2 ANG DIYOS DUNAY NGALAN

“Jehova . . . ang akong ngalan hangtod sa panahong walay tino.”—Exodo 3:15

Nganong importante ang ngalan sa Diyos?

Salmo 83:18

Ang Diyos nag-ingon nga Jehova ang iyang ngalan. Ang “Diyos” ug “Ginoo” dili mga ngalan. Kini mga titulo, sama sa “hari” ug “presidente.” Gusto ni Jehova nga gamiton nimo ang iyang ngalan.

Exodo 3:14

Ang iyang ngalan nagkahulogan nga iyang ipahinabo kon unsay gusto niya. Kay si Jehova man ang naghimo sa tanang butang, siya makatuman sa bisan unsang saad nga iyang ipanaad ug makatuman sa iyang katuyoan.

3 SI JEHOVA NAHIGUGMA KANATO

“Ang Diyos gugma.”—1 Juan 4:8

Unsay kahulogan sa gugma sa Diyos para kanato?

Exodo 34:6; Salmo 37:28

Siya maluluy-on ug mabination. Siya nahigugma sa kamatuoran ug hustisya.

Salmo 86:5

Siya andam mopasaylo.

2 Pedro 3:9

Siya mapailobon kanato.

Pinadayag 15:4

Siya maunongon kanato.

4 ANG DIYOS NAGHUNAHUNA SA IMONG KAAYOHAN

“Itugyan kaniya ang tanan ninyong mga kabalaka, kay siya may kahingawa kaninyo.”—1 Pedro 5:7

Nganong nahibalo ka nga ang Diyos naghunahuna sa imong kaayohan?

Salmo 37:9-11


Siya nagsaad nga iyang taposon ang pag-antos ug ayohon ang tanang kadaot nga nahimo sa mga tawong daotan.

Santiago 4:8

Gusto ni Jehova nga makigsuod ka kaniya.

Juan 17:3

Dihang mas mailhan nimo ang Diyos, mas modako sab ang imong gugma kaniya.



2. ANG BIBLIYA—USA KA BASAHON NGA GIKAN SA DIYOS

1 ANG BIBLIYA GIKAN SA DIYOS

“Ang tibuok Kasulatan inspirado sa Diyos.”—2 Timoteo 3:16

Nganong lahi ang Bibliya gikan sa ubang basahon?

Ang Bibliya nahubad na ngadto sa mga 2,600 ka pinulongan, ug bilyonbilyong kopya na niini ang naimprenta.

Kini dunay mga impormasyon nga dili nato mabasa sa bisan unsang basahon.

1 Tesalonica 2:13

Ang Awtor sa Bibliya mao ang Diyos.

2 Pedro 1:21

Gigiyahan sa Diyos ang mga tawo aron isulat ang iyang mga hunahuna.

2 ANG BIBLIYA —USA KA BASAHON SA TAGNA

“[Ang] Diyos . . . dili makabakak.”—Tito 1:2

Nganong makasalig ka sa Bibliya?

Isaias 44:27–45:2

Gatosan ka tuig una pa kini nahitabo, gitagna na sa Bibliya kon sa unsang paagi malaglag ang Babilonya.

2 Timoteo 3:1–5

Ang mga tagna sa Bibliya nagakatuman na karon.

Numeros 23:19

Makasalig kita sa giingon sa Bibliya bahin sa umaabot.

3 ANG BIBLIYA GISULAT SA PAGTABANG NIMO

“Ako, si Jehova, mao ang imong Diyos, ang Usa nga nagtudlo kanimo aron ikaw makabaton ug kaayohan.”
—Isaias 48:17

Unsay imong nakat-onan sa Bibliya?

Job 26:7; Isaias 40:22

Husto gayod ang giingon sa Bibliya bahin sa siyensiya.

Numeros 20:2–12

Ang mga magsusulat sa Bibliya matinud-anon.

Mateo 5–7

Si Jesus nagtambag nato kon sa unsang paagi kita magmalipayon, kon sa unsang paagi atong trataron ang uban, kon unsaon pag-ampo, ug kon unsay angay natong panglantaw sa kuwarta.

4 ANG BIBLIYA MAKABAG-O SA IMONG KINABUHI

“Ang pulong sa Diyos buhi ug gamhanan.”
—Hebreohanon 4:12

Unsay mahimo sa Pulong sa Diyos kanimo?

- Kini makatabang nimo sa pagsabot kon unsay katuyoan sa Diyos.
- Kini makatabang nimo sa pagkaila kon unsa ka nga matang sa pagkatawo.
- Kini makatabang nimo sa pagkahibalo kon unsay gidahom sa Diyos nga imong buhaton.

Gusto sa Diyos nga imong basahon, tun-an, ug mahalon ang Bibliya.



3. UNSA ANG KATUYOAN SA DIYOS ALANG SA MGA TAWO?

1 DUNAY KATUYOAN NGANONG GIBUHAT TA SA DIYOS

“Ang mga matarong magapanag-iya sa yuta, ug sila magapuyo sa ibabaw niini hangtod sa kahangtoran.”
—Salmo 37:29

Unsay katuyoan sa Diyos alang sa mga tawo?

Genesis 1:28

Katuyoan sa Diyos nga ang mga tawo maghimo sa yuta nga usa ka paraiso ug mag-atiman sa mga hayop.

Isaias 46:9-11; 55:11

Tumanon sa Diyos ang iyang katuyoan, ug walay makababag kaniya.

2 KON NGANONG LISOD ANG KINABUHI

“Ang tibuok kalibotan nailalom sa gahom sa usa nga daotan.”—1 Juan 5:19

Kinsay nagmando sa kalibotan?

Juan 12:31

Si Jesus miingon nga si Satanas mao ang magmamando sa kalibotan.

Santiago 1:13-15

Si Satanas gustong manag-iya sa butang nga dili iya.

Genesis 2:17; 3:1-6

Gilimbongan ni Satanas si Eva. Si Adan ug si Eva misupak sa Diyos, ug sa ngadtongadto, sila namatay.

Roma 3:23; 5:12

Kita mamatay kay napanunod nato ang sala ni Adan.

2 Corinto 4:3, 4

Gilimbongan ni Satanas ang mga tawo.

3 SULBARON SA GINGHARIAN SA DIYOS ANG PROBLEMA

“Paanhia ang imong gingharian. Matuman unta ang imong kabubut-on . . . sa yuta.”—Mateo 6:10

Unsay himoon ni Jehova?

Daniel 2:44

Pulihan sa Gingharian sa Diyos ang tanang gobyerno sa kalibotan.

Pinadayag 16:14-16

Laglagon sa Diyos kining daotang kalibotan panahon sa Armagedon.

Isaias 9:6, 7

Napili ni Jehova si Jesus nga mahimong Hari sa Iyang langitnong kagamhanan. Si Jesus maoy magmando sa tibuok yuta.

4 HIMOON SA GINGHARIAN SA DIYOS ANG YUTA NGA USA KA PARAISO

“Imong ginabukhad ang imong kamot ug ginatagbaw ang tinguha sa tanang buhing butang.”—Salmo 145:16

Unsay himoon sa Gingharian sa Diyos alang kanato?

Salmo 46:9

Ang gubat, krimen, ug kapintasan mawala na.

Isaias 32:18; 65:21-24

Sa bag-ong kalibotan, makabaton na unya ang tanan ug nindot nga mga balay ug mga garden ug magpuyo nga malinawon.

Salmo 72:16

Abunda na unya ang pagkaon.

Isaias 11:6-9

Ang mga tawo dili na unya mahadlok sa ihalas nga mga hayop.

Isaias 33:24; Buhat 24:15

Wala nay magsakit, ug ang mga patay banhawon.



4. KINSA SI JESU-KRISTO?

1 SI JESUS MAO ANG MESIYAS

“Ikaw mao ang Kristo.”—Mateo 16:16

Nganong nahibalo kita nga si Jesus mao ang Mesiya?

Mateo 3:16, 17;

Juan 1:32-34

Gipaila ni Jehova si Jesus
ingong iyang Anak.

Miqueas 5:2;

Mateo 2:1, 3-9

Natuman kang Jesus
ang tanang taga-
bahin sa Mesiya.

2 ANGHEL SI JESUS UNA PA SIYA MIANHI SA YUTA

“Ako nanaog gikan sa langit.”—Juan 6:38

Unsay gihimo ni Jesus sa langit?

Colosas 1:15, 16

Gibuhat una ni Jehova si Jesus,
ug dayon gigamit niya si Jesus sa
pagbuhat sa tanang butang. Si Jesus
nakakat-on gikan sa iyang Amahan
sulod sa bilyonbilyong tuig.

Lucas 1:30-35

Gipadala ni Jehova si Jesus
dinhin sa yuta.

3 GIHIGUGMA NI JESUS ANG MGA TAWO

“Pasagdi ang mga bata nga moduol kanako.”—Marcos 10:14

Unsay mga hiyas ni Jesus ang imong nagustohan?

Marcos 10:13-16

Si Jesus daling duolon, ug ang mga
tawo ganahang makig-estorya kaniya.

Juan 4:9, 27

Si Jesus nagtahod ug nagpasidungog
sa mga babaye.

Juan 13:2-5, 12-17

Si Jesus mapaubsanon.

Mateo 9:35, 36;

Marcos 1:40-42

Si Jesus matinabangon.

4 SI JESUS NAGBUHAT GAYOD SA KABUBUT-ON SA DIYOS

“Natapos ko ang buluhaton nga imong gihatag kanako
aron buhaton.”—Juan 17:4

Nganong ang ehemplo ni Jesus makatabang nato nga
magmatinumanon?

Mateo 4:1-11

Si Jesus nagmatinumanon dihang
giental sa Yawa.

Marcos 3:21

Gibuhat ni Jesus ang kabubut-on sa
Diyos bisag gibiyabiya siya sa iyang
mga paryente.

1 Pedro 2:21-23

Si Jesus wala mohimog daotan
batok sa iyang mga kaaway.

Filipos 2:8

Si Jesus nagmatinumanon sa Diyos
hangtod sa kamatayan.

Hebreohanon 10:12, 13;

1 Pedro 3:18

Si Jesus gibanhaw ni Jehova
ngadto sa langit.



5. ANG LUKAT—KINALABWANG REGALO SA DIYOS

1 KINAHANGLAN NATONG TANAN ANG LUKAT

“Ang Anak sa tawo mianhi . . . sa paghatag sa iyang kalag nga usa ka lukat baylo sa daghan.”—Mateo 20:28

Nganong kinahanglan nato ang lukat?

Genesis 3:17-19

Dihang gisupak ni Adan ang Diyos, nawala ang iyang espesyal nga relasyon kang Jehova, ang hingpit nga kinabuhi, ug ang puy-anang Paraiso.

Roma 5:12

Tungod sa gihimo ni Adan, atong napanunod ang sala ug kamatayon.

Efeso 1:7

Ang lukat maoy paagi ni Jehova sa pagpahigawas sa mga tawo gikan sa sala ug kamatayon.

2 GITAGANA NI JEHOVA ANG LUKAT

“Gipadala sa Diyos ang iyang bugtong nga Anak nganhi sa kalibotan aron kita makabaton ug kinabuhi pinaagi kaniya.”—1 Juan 4:9

Sa unsang paagi gitagana ni Jehova ang lukat?

Salmo 49:7, 8

Walay usa kanato ang makalukat sa hingpit nga kinabuhi nga giwala ni Adan.

Lucas 1:35

Gipadala ni Jehova ang iyang pinalanggang Anak dinhi sa yuta nga gipanganak ingong tawong hingpit.

Roma 3:23, 24;

Hebreohanon 9:24

Human mabanhaw si Jesus, siya mibalik sa langit, diin didto iyang gihatag ang bili sa iyang hingpit tawhanong kinabuhi ngadto kang Jehova ingong lukat.

3 ANG LUKAT NAGHATAG NATOG TINUOD NGA PAGLAOM

‘Iyang pagapahiran ang tanang luha sa ilang mga mata, ug ang kamatayon mawala na.’—Pinadayag 21:4

Sa unsang paagi makabenepisyo kita sa lukat?

1 Juan 1:8, 9

Ang atong mga sala mapasaylo.

Hebreohanon 9:13, 14

Kita makabaton ug hinlong konsensiya atubangan sa Diyos.

Roma 6:23

Kita makabaton ug paglaom nga mabuhi sa walay kataposan.

Galacia 2:20

Ang gitagana nga lukat nagpamatuod nga gihigugma gyod kita ni Jehova ug ni Jesus.

4 KINAHANGLANG DAWATON NATO ANG LUKAT

“Gihatag [sa Diyos] ang iyang bugtong nga Anak, aron nga ang tanan nga magpasundayag ug pagtuo kaniya . . . makabaton ug kinabuhing walay kataposan.”—Juan 3:16

Unsaon nato pagpakita nga mapasalamaton ta sa regalo sa Diyos nga lukat?

Juan 17:3

Padayon sa pagkat-on bahin kang Jehova ug Jesus, ug sundoga sila.

Lucas 22:19

Tambong sa Memoryal sa kamatayon ni Kristo matag tuig.

Juan 3:36; Santiago 2:26

Dili igo nga motuo lang kang Jesus. Himoa kon unsay gisugo ni Jesus nga atong buhaton.



6. ASA KITA MOADTO INIGKAMATAY NATO?

1 DIHANG MAMATAY ANG TAWO, ANG IYANG KINABUHI MATAPOS

“Bahin sa mga patay, sila walay nahibaloan nga bisan unsa.”—Ecclesiastes 9:5

Unsay mahitabo nato dihang kita mamatay?

**Salmo 146:3, 4;
Ecclesiastes 9:6, 10**

Dihang kita mamatay dili na ta makakita, makadungog, ug dili na makahunahuna.

Juan 11:11-14

Si Jesus miingon nga ang kamatayon sama ra sa pagkatulog.

2 DILI GAYOD GUSTO NI JEHOVA NGA MAMATAY ANG TAWO

“Kon bahin sa kahoy sa kahibalo sa maayo ug sa daotan dili ka gayod mokaon gikan niini, kay sa adlaw nga mokaon ka gikan niini mamatay ka gayod.”—Genesis 2:17

Nganong kita mamatay?

Genesis 3:1-6

Si Satanas namakak kang Eva bahin sa mahitabo kaniya kon supakon niya ang sugo sa Diyos. Dihang gisupak ni Adan ug Eva si Jehova, sila nakasala ug sa ngadtongadto namatay.

Genesis 3:19

Pagkamatay ni Adan, wala na siya maglungtad.

Roma 5:12

Ang sala samag grabeng sakit nga atong napanunod sa atong unang mga ginikanan. Kitang tanan natawong makasasala, ug kanay rason nganong kita mamatay.

1 Corinto 15:26

Gitawag sa Bibliya ang kamatayon ingong kaaway.

3 ANG KAMATUORAN BAHIN SA KAMATAYON MAGPAHIGAWAS KANATO

‘Kon ang tawo nga lig-on ug lawas mamatay, mabuhi ba siya pag-usab? Magpaabot ako . . . hangtod moabot ang akong kahupayan.’—Job 14:14

Nganong ang pagkahibalo sa kamatuoran bahin sa kamatayon magpahigawas kanato gikan sa sayop nga mga ideya?

1 Juan 4:8

Ang doktrina bahin sa nagkalayong impierno maoy insulto kang Jehova. Dili gayod siya motugot nga mag-antos ang mga tawo nianang paagiha.

Pinadayag 4:11

Daghang tawo ang mahadlok sa patay, busa simbahon nila ang mga patay imbes si Jehova. Si Jehova ang matuod nga Diyos, ug siya lamang ang atong simbahon.



7. DUNA UNYAY PAGKABANHAW!

1 ANG KAMATAYON WAGTANGON NI JEHOVA

“Ingong kataposang kaaway, ang kamatayon pagawagtangon.”—1 Corinto 15:26

Sa unsang paagi ang Bibliya naghatag natog tinuod nga paghupay dihang dunay mamatay?

2 Corinto 1:3, 4

Dihang mamatay ang usa ka membro sa pamilya o suod nga higala, kita tingali mobati nga walay mahimo. Ang Bibliya naghatag natog tinuod nga paghupay.

Isaias 25:8; 26:19

Si Jehova dunay gahom sa pagwagtang sa kamatayon hangtod sa hangtod. Gani, iyang buhion pag-usab kadtong nangamatay.

2 MAKASALIG KITA SA PAGKABANHAW

“Inday, magaingon ako kanimo, Bangon!”—Marcos 5:41

Nganong makasalig kita sa pagkabanhaw?

Juan 11:1-44

Gibanhaw ni Jesus si Lazaro.

Marcos 5:22-24, 35-42

Gibanhaw ni Jesus ang usa ka batang babaye.

Juan 11:41, 42

Gibanhaw ni Jesus ang mga patay pinaagi sa gahom ni Jehova.

Juan 12:9-11

Daghan ang nakakita kang Jesus nga nagbanhaw ug patay. Bisan ang mga kaaway ni Jesus nahibalo nga siya makabanhaw.

3 BUHION PAG-USAB NI JEHOVA ANG BILYONBILYONG TAWO

“Ikaw motawag, ug ako motubag kanimo. Kay ikaw mangandoy sa buhat sa imong mga kamot.”—Job 14:13-15

Kinsa ang banhawon?

Juan 5:28, 29

Ang tanang anaa sa panumdoman ni Jehova mabuhi pag-usab.

Buhat 24:15

Ang mga tawong matarong ug dili matarong banhawon.

Isaias 40:26

Mahinumdoman ni Jehova ang ngalan sa tanang bituon, busa walay rason nga dili niya mahinumdoman ang tanang detalye niadtong iyang buhion pag-usab.

4 ANG UBAN BANHAWON ARON MOPUYO SA LANGIT

“Ako moadto aron sa pag-andam ug dapit alang kaninyo.”
—Juan 14:2

Kinsa ang banhawon ngadto sa langit?

1 Pedro 3:18


Si Jesus mao ang unang persona nga gibanhaw ngadto sa langit.

Lucas 12:32

Si Jesus miingon nga gamayng gidaghanon lang sa iyang mga tinun-an ang banhawon aron mopuyo sa langit.

Pinadayag 14:1

Si Jehova mipilig 144,000 aron mopuyo sa langit.



8. UNSA ANG GINGHARIAN SA DIYOS?

1 ANG GINGHARIAN SA DIYOS MAOY USA KA TINUOD NGA GOBYERNO

“Paanhia ang imong gingharian. Matuman unta ang imong kabubut-on, maingon sa langit, mao man usab sa yuta.”
—Mateo 6:9-13

Unsa ang Gingharian sa Diyos?

Pinadayag 11:15

Ang Gingharian, o gobyerno, sa Diyos magmando sa yuta gikan sa langit.

1 Timoteo 6:15

Si Jesus mao ang Hari sa Gingharian sa Diyos.

Pinadayag 14:1, 4

Ang 144,000 ka tawo nga gikan sa yuta maoy magmando uban ni Jesus didto sa langit.

Hebreohanon 4:15; 5:8

Si Jesus ug ang 144,000 makasabot sa atong pagbati ug mga problema.

2 SI JESUS MAHIMONG KINAMAAYOHANG MAGMAMANDO

“Uban sa pagkamatarong siya magahukom sa mga timawa [o, kabos].”—Isaias 11:4

Nganong si Jesus ang takos nga mahimong Hari sa Gingharian?

1 Timoteo 6:16

Ang tanang tawhanong magmamando sa ngadtongadto mamatay, pero si Jesus dili gayod mamatay. Ang tanang maayong butang nga buhaton ni Jesus para nato dili matapos.

Isaias 11:2-4

Si Jesus mas daghag mahimong maayo kay ni bisan kinsang tawhanong magmamando. Siya mas gamhanan kay sa tanang tawhanong magmamando. Siya maluluy-on ug dili magpaborpabor.

3 PANEGUROON SA GINGHARIAN SA DIYOS NGA ANG KABUBUT-ON SA DIYOS MATUMAN

“Ang Diyos sa langit magatukod ug usa ka gingharian nga dili gayod malumpag.”—Daniel 2:44

Unsay nahimo na sa Gingharian? Unsay buhaton niini sa umaabot?

Pinadayag 12:7-12

Dihang nahimong Hari si Jesus sa 1914, iyang gitambog si Satanas dinhi sa yuta gikan sa langit. Mao kanay hinungdan nga daghan kaayog kagubot, kasakit, ug pag-antos sa tibuok kalibotan karon.

Ecclesiastes 8:9;

Pinadayag 16:16

Sa Armagedon, laglagon sa Gingharian sa Diyos ang tanang daotan ug korap nga tawhanong mga gobyerno.

Salmo 37:10

Ang mga tawo nga magpadayon sa paghimog daotan laglagon.

Pinadayag 22:1-3

Dihang magmando na ang Gingharian sa Diyos dinhi sa yuta, wala na unyay masakit o mamatay ug pasidunggan sa tanang tawo ang ngalan sa Diyos.



9. DUOL NA BA ANG KATAPOSAN SA KALIBOTAN?

1 GIPADAYAG NI JEHOVA ANG MAHITABO SA UMAABOT

“[Ako] ang Usa nga nagsulti sa kataposan sukad sa sinugdan, ug sa mga butang nga wala mahimo sukad sa kanhing panahon.”—Isaias 46:10

Unsay atong nahibaloan bahin sa panahon sa kataposan?

Daniel 7:13, 14

Si Jesus nahimong Hari sa langit niadtong 1914.

Mateo 24:3-14

Si Jesus nagtagna nga moabot ang malisod nga panahon.

Pinadayag 12:7-9, 12

Dihang nahimong Hari si Jesus, iyang gitambog si Satanas dinhi sa yuta gikan sa langit. Si Satanas naglagot pag-ayo kay ‘mubo na lang ang iyang panahon’ nga nahibilin una siya laglagon sa Diyos.

2 KITA NAGKINABUHI NA SA PANAHO SA KATAPOSAN

“Unsa man unya ang ilhanan . . . sa kataposan sa sistema sa mga butang?”—Mateo 24:3

Nakita ba nimo nga natuman na kining mga tagnaa sa Bibliya?

Mateo 24:7; Lucas 21:11

Mas daghan na karon ang gubat, kagutom, linog, ug sakit.

2 Timoteo 3:1-5

Gitagna ni apostol Pablo ang kinaiya sa mga tawo panahon sa kataposang mga adlaw.

Daniel 12:4

Gitabangan sa Diyos ang iyang katawhan aron mas tin-awng masabtan ang Bibliya.

Mateo 24:14

Ang maayong balita sa Gingharian ginasangyaw sa tibuok yuta.

3 LIHOK NA KARON ARON MAPALIPAY SI JEHOVA

“Ang adlaw ni Jehova moabot sama sa kawatan sa kagabhion.”—1 Tesalonica 5:2

Kay duol na kaayo ang kataposan, unsay kinahanglan nimong buhaton?

Juan 17:3

Seryosoha ang imong pagtuon sa Bibliya.

Hebreohanon 10:24, 25


Pagkat-on pag dugang pinaagi sa pagtambong sa mga tigom sa mga Saksi ni Jehova.

Santiago 4:8

Paghimog mga kausaban sa imong kinabuhi aron mas masuod ka sa Diyos.

Lucas 21:34-36

Ayawg pabalda, isentro ang imong kinabuhi sa pagsimba kang Jehova.



10. ANG KAMATUORAN BAHIN SA MGA ANGHEL

1 ANG MGA ANGHEL SAKOP SA PAMILYA SA DIYOS

“Dayega ninyo si Jehova, Oh kamong mga manulonda [o, anghel] niya, nga gamhanan.”—Salmo 103:20

Unsay atong nahibaloan bahin sa mga anghel?

Job 38:4-7

Gibuhat ni Jehova ang mga anghel una pa niya buhata ang yuta.

Pinadayag 5:11

Milyonmilyon ang mga anghel.

1 Pedro 1:11, 12

Ang mga anghel interesado sa katuyoan sa Diyos alang sa yuta.

Lucas 15:10

Ang mga anghel interesado kaayo niadtong nag-alagad sa Diyos.

2 ANG MGA ANGHEL MOTABANG SA MGA ALAGAD SA DIYOS

“Ang manulonda [o, anghel] ni Jehova nagkampopo libot niadtong nangahadlok kaniya, ug siya nagluwas kanila.”
—Salmo 34:7

Giunsa nato pagkahibalo nga ang mga anghel makatabang sa tawo?

Genesis 19:15, 16;

Daniel 6:22; Lucas 22:43;

Buhat 12:6-11

Ang mga anghel mitabang kang Lot, Daniel, Jesus, ug Pedro.

Hebreohanon 1:7, 14

Ang mga anghel gigamit ni Jehova sa pagtabang ug pagpanalipod sa iyang mga alagad karon.

3 ANG DAOTANG MGA ANGHEL NANINGKAMOT SA PAGDAOT KANATO

“Kita dili malupigan ni Satanas, kay kita dili kay walay alamag sa iyang mga laraw.”—2 Corinto 2:11

Kinsa ang mga demonyo, ug nganong sila makadaot?

Pinadayag 12:9

Mirebelde kang Jehova ang usa ka anghel. Siya gitawag ug Satanas.

Genesis 6:2

Sa panahon ni Noe, ang ubang anghel mirebelde ug nanaog sa yuta.

Mateo 9:34

Ang maong mga anghel miuban kang Satanas sa iyang pagrebelde ug nahimong mga demonyo.

Deuteronomio 18:10, 11

Ang mga demonyo naningkamot sa pagtental ug pagdaot sa mga tawo kutob sa ilang mahimo.

4 MAKASUKOL KA KANG SATANAS UG SA MGA DEMONYO

“Sukli ang Yawa, ug siya mokalagiw gikan kaninyo.”
—Santiago 4:7

Sa unsang paagi matabangan ka ni Jehova sa pagsukol kang Satanas ug sa mga demonyo?

Buhat 19:19

Likayi ang tanang butang nga may koneksiyon sa demonismo, madyik, o bisan unsa nga may kalabotan sa mga dili ingon nato nga daw dili makadaot.

Efeso 6:16, 18

Palig-ona ang imong pagtuo pinaagi sa pagtuon sa Bibliya, ug pag-ampo sa Diyos alang sa panalipod.

Proverbio 18:10

Gamita ang ngalan ni Jehova.



11. NGANONG DAGHAN KAAYO ANG PAG-ANTOS?

1 SI JEHOVA DILI MAOY HINUNGDNAN SA PAG-ANTOS

“Halayo ra sa matuod nga Diyos nga mobuhat sa pagkadaotan, ug sa Labing Gamhanan nga mobuhat sa kawalay-hustisya!”—Job 34:10

Nganong daghan kaayo ang pag-antos sa kalibotan?

1 Juan 5:19

Ang magmamando sa kalibotan mao si Satanas nga Yawa.

Ecclesiastes 8:9

Ang mga tawo maoy nakaingon sa pag-antos sa uban.

Ecclesiastes 9:11

Nag-antos ang mga tawo tungod sa wala damhang mga panghitabo.

1 Pedro 5:7

Gihigugma gayod ni Jehova ang mga tawo. Dili siya makaako nga magtan-aw kanila nga mag-antos.

2 GIHAGIT NI SATANAS ANG KATUNGOD NI JEHOVA SA PAGMANDO

“Nasayod ang Diyos nga . . . ang inyong mga mata mangabuka ug kamo mahisama sa Diyos, nga mahibalo sa maayo ug sa daotan.”—Genesis 3:5

Nganong dili puwedeng balewalaon ni Jehova ang hagit ni Satanas?

Genesis 3:2-5

Giakusahan ni Satanas ang Diyos nga Siya daotang magmamando. Gipatuo ni Satanas ang mga tawo nga sila dunay katungod sa pagdesisyon sa ilang kaugalingon kon unsay husto ug sayop.

Job 38:7

Gihagit ni Satanas si Jehova atubangan sa milyonmilyong anghel.

3 ANG HAGIT NI SATANAS NAPAKYAS

“Dili iya sa tawo nga nagalakaw bisan ang pagtultol sa iyang lakang.”—Jeremias 10:23

Nganong dugay na kaayong nag-antos ang mga tawo?

Isaias 55:9

Ang tawo dunay daghang matang sa gobyerno, apan dili sila molampos sa pagmando sa yuta nga walay giya sa Diyos.

2 Pedro 3:9, 10

Si Jehova mapailobon ug naghatag natog panahon aron kita mahibalo bahin kaniya ug pilion siya ingong atong Magmamando.

1 Juan 3:8

Gamiton ni Jehova si Jesus aron wagtangan ang kadaot nga nahimo ni Satanas.

4 GAMITA ANG IMONG KAGAWASAN SA PAGPILI ARON MAG-ALAGAD KANG JEHOVA

“Magmaalamon, anak ko, . . . aron matubag ko siya nga nagatamay kanako.”—Proverbio 27:11


Nganong wala kita pugsa ni Jehova sa pag-alagad kaniya?

Proverbio 30:24

Ang mga hayop molihok sumala sa ilang kinaiyahan, pero gihatagan kita ni Jehova ug kagawasan sa pagpili. Makapili ta kon moalagad ba kita kaniya o dili.

Mateo 22:37, 38

Gusto ni Jehova nga moalagad ta kaniya kay siya atong gihigugma.



12. SA UNSANG PAAGI MAHIMO KANG HIGALA SA DIYOS?

1 ANG MGA HIGALA NI JEHOVA MOSUNOD KANIYA

“Tumana ninyo ang akong tingog, ug ako mahimong inyong Diyos, ug kamo mahimong akong katawhan.”
—Jeremias 7:23

Posible bang mahimong higala sa Diyos?

Genesis 22:18; Santiago 2:23

Si Abraham nahimong higala ni Jehova kay siya namati sa Diyos ug nagtuo Kaniya.

2 Cronicas 16:9

Si Jehova motabang niadtong masinugtanon kaniya.

Salmo 25:14; 32:8

Si Jehova mohatag ug kaalam sa iyang mga higala.

Salmo 55:22

Palig-onon ni Jehova ang iyang mga higala.

2 SI JOB HIGALA SA DIYOS UG NAGPABILING MATINUMANON

“Niining tanan si Job wala makasala ni magpasangil ug bisan unsang butang nga dili angay batok sa Diyos.”
—Job 1:22

Giunsa pag-atake ni Satanang si Job, ug unsay reaksiyon ni Job?

Job 1:10, 11

Si Satanang miingon nga hakog si Job ug wala mahigugma sa Diyos.

Job 1:12-19; 2:7

Gitugotan ni Jehova si Satanang nga kuhaon ang tanang gipang-iya ni Job,

ug gihatagan ni Satanang si Job ug grabeng sakit.

Job 27:5

Si Job wala mahibalo kon nganong nag-antos siya pag-ayo, pero nagpabilin siyang matinumanon.

3 GUSTO NI SATANAS NGA IPAHLAYO KA KANG JEHOVA

“Ang tanang butang nga anaa sa usa ka tawo iyang ihatag tungod sa iyang kalag.”—Job 2:4

Unsay ginahimo ni Satanang aron madaot ang atong panaghigalaay uban kang Jehova?

2 Corinto 11:14

Si Satanang naningkamot sa pagbitik kanato aron mosupak ta kang Jehova.

Proverbio 24:10

Siya naningkamot nga pabation tang dili takos sa pag-alagad kang Jehova.

1 Pedro 5:8

Lutoson kita ni Satanang.

Proverbio 27:11

Magmasinugtanon kang Jehova ug magmaunongon kaniya. Kini magpamatuod nga si Satanang bakakon.

4 KITA MOSUNOD KANG JEHOVA KAY SIYA ATONG GIHIGUGMA

“Kini ang kahulogan sa paghigugma sa Diyos, nga atong bantayan ang iyang mga sugo.”—1 Juan 5:3

Sa unsang paagi mahimo kang higala ni Jehova?

Deuteronomio 6:5

Ipakita ang imong gugma sa Diyos. Kini makatabang nimo nga magmasinugtanon.

Isaias 48:17, 18

Sunda si Jehova, ug makabaton kag kaayohan.

Deuteronomio 30:11-14

Makasalig ka nga dili ipabuhat ni Jehova ang mga butang nga dili nimo kayang himoon.

Filipos 4:13

Buhata ang maayo, ug si Jehova mohatag nimog kusog nga imong gikinahanglan.



13. TAHORA ANG REGALO NGA KINABUHI

1 TAHORA ANG REGALO NGA KINABUHI

“Anaa kanimo ang tuboran sa kinabuhi.”—Salmo 36:9

Unsaon nato pagpakita nga atong gitahod ang kinabuhi?

Buhat 17:28; Pinadayag 4:11

Ang kinabuhi maoy regalo gikan kang Jehova, ug kinahanglang tahoron nato kini.

Exodo 21:22, 23;

Deuteronomio 5:17

Ang pagpatay ug aborsiyon daotan.

1 Juan 3:11, 12, 15

Sayop nga magdumot sa uban.

2 Corinto 7:1

Likayi ang mahugaw nga bisyo, sama sa pagpanigarilyo ug pag-abuso sa droga.

Salmo 11:5

Likayi ang mapintas nga kalingawan ug mga esport.

2 KINABUHI UG DUGO

“Kay ang kalag sa matag matang sa unod mao ang dugo niini pinaagi sa kalag nga anaa niana.”—Levitico 17:14

Unsay panglantaw sa Diyos bahin sa kinabuhi ug dugo?

Genesis 4:10;

Deuteronomio 12:23

Ang dugo nagrepresentar sa kinabuhi.

Genesis 9:3, 4

Ang karne mahimo natong kaanon pero dili ang dugo.

Buhat 15:28, 29; 21:25

Ang sugo sa Diyos nga likayan ang dugo naglakip sa dugo nga gamiton sa pagtambal.

Hebreohanon 11:6

Ang atong relasyon kang Jehova mao ang labing importante sa atong kinabuhi.

3 ANG PAGGAMIT SA DUGO NGA GITUGOTAN NI JEHOVA

“Ang dugo ni Jesus . . . nagahinlo kanato gikan sa tanang sala.”—1 Juan 1:7

Unsay napapossible tungod sa halad ni Jesus alang kanato?

Levitico 17:11

Sa panahon sa Bibliya, kon ang mga Israelitas makasala, sila makapangayog pasaylo kang Jehova pinaagi sa paghalad ug hayop ug sa paghangyo sa saserdote nga ibubo ang dugo niini diha sa halaran.

Mateo 20:28;

Hebreohanon 9:11-14

Pag-anhi ni Jesus sa yuta, iyang gipulihan ang balaod bahin sa paghalad ug hayop pinaagi sa paghalad sa iyang kinabuhi, o dugo, alang sa kapasayloan sa atong mga sala.

Juan 3:16

Ang kinabuhi ni Jesus bililhon kaayo maong human banhawa ni Jehova si Jesus ngadto sa langit, gihatagan ni Jehova ang mga tawo nga nagbatog pagtuo kang Jesus ug kahigayonan nga mabuhi sa walay kataposan.



14. MAHIMONG MAGMALIPAYON ANG IMONG PAMILYA

1 SI JEHOVA ANG NAGTUKOD SA PAMILYA

“Tungod niini ako moluhod atubangan sa Amahan, nga kaniya utang sa tanang kabanayan sa langit ug sa yuta ang ngalan niini.”—Efeso 3:14, 15

Sa unsang paagi magmalipayon ang imong pamilya?

Genesis 1:26-28

Si Jehova ang nagtukod sa unang pamilya.

Efeso 5:1, 2

Ang sekreto sa malipayong pamilya mao ang pagsundog kang Jehova ug Jesus.

2 KON UNSAY HIMOON ARON MAHIMONG MAAYONG BANA O ASAWA

“Kinahanglang higugmaon gayod sa matag usa ang iyang asawa, . . . ang asawa angay nga adunay halawom nga pagtahod sa iyang bana.”—Efeso 5:33

Sa unsang paagi angayng trataron sa bana ug asawa ang usag usa?

Efeso 5:22-29

Ang bana maoy responsable sa pamilya. Kinahanglang higugmaon niya ang iyang asawa, ug kinahanglang suportahan sa asawa ang mga desisyon sa iyang bana.

Colosas 3:19; 1 Pedro 3:4

Sila kinahanglang magmabination ug mahunahunaon sa usag usa.

1 Pedro 3:1, 2, 7

Ang bana ug asawa kinahanglang magpasidungog ug magtahod sa usag usa.

1 Timoteo 5:8; Tito 2:4, 5

Kinahanglang tagan-an sa bana ang iyang pamilya. Kinahanglang atimanon sa asawa ang iyang panimalay.

3 KON UNSAY HIMOON ARON MAHIMONG MAAYONG GINIKANAN

“Ayaw palagota ang inyong mga anak, kondili magpadayon sa pagmatuto kanila sa disiplina ug sa pagdumala-sa-kaisipan ni Jehova.”—Efeso 6:4

Unsay responsibilidad sa ginikanan?

Deuteronomio 6:4-9;

Proverbio 22:6

Kinahanglang mogahin kag panahon sa pagtudlo sa imong mga anak bahin kang Jehova. Sugdi kini dihang gagmay pa sila, ug mapailobong tabangi ang matag usa nga mahimong higala ni Jehova.

1 Pedro 5:8

Tudloi ang imong mga anak kon sa unsang paagi malikayan nila ang seksuwal nga pag-abuso ug ubang kapeligrohan.

Jeremias 30:11;

Hebreohanon 12:9-11

Kinahanglang disiplinahon nimo ang imong mga anak pero dili pinaagig kasuko o kapintas.

4 KON UNSAY GIDAHOM SA DIYOS SA MGA ANAK

“Mga anak, magmasinugtanon sa inyong mga ginikanan.”
—Efeso 6:1

Mga anak, nganong magmasinugtanon kamo sa inyong mga ginikanan?

Proverbio 23:22-25;

Colosas 3:20

Ang inyong pagkamasinugtanon makapalipay kang Jehova ug sa inyong mga ginikanan.

1 Corinto 15:33

Pangitag mga higala nga nahigugma kang Jehova aron dili ka malisdan sa pagbuhat sa kon unsay husto.



15. ANG HUSTONG PAAGI SA PAGSIMBA SA DIYOS

1 KON SA UNSANG PAAGI MAILHAN ANG MATUOD NGA PAGSIMBA

“Sigpit ang ganghaan ug hagip-ot ang dalan padulong
sa kinabuhi, ug diyutay ra ang mga nakakaplag niini.”
—Mateo 7:14

Nganong nahibalo ta nga dili tanang matang sa pagsimba ang
dalawaton sa Diyos?

Mateo 7:21-23

Dili tanang relihiyon ang dalawaton sa
Diyos. Dili tanang relihiyon nagtuman
sa kabubut-on sa Diyos.

Mateo 7:13, 14

Ang matuod nga pagsimba motultol
sa kinabuhing walay kataposan. Ang
bakak nga relihiyon motultol sa
kalaglagan.

Mateo 7:16, 17

Ang matuod nga pagsimba mailhan
pinaagi sa mga buhat niini. Dili
kinahanglang tun-an pa nimo ang
tanang relihiyon; ang giingon lang sa
Bibliya maoy tun-i.

2 ANG HUSTONG PAAGI SA PAGSIMBA SA DIYOS

1 Tesalonica 2:13; 2 Timoteo 3:16, 17

Ang giingon lang sa Bibliya
ang tuohi ug itudlo.

Mateo 4:10; Juan 17:6

Simbaha si Jehova ug
gamita ang iyang ngalan.

Juan 13:35

Ipakita ang tinuod nga gugma
sa usag usa.

Juan 3:36; Buhat 4:12

Sunda si Jesus. Gigamit sa Diyos si
Jesus aron luwason ta.

Juan 18:36; Buhat 5:29

Ayaw pag-apil-apil sa politika.

Mateo 24:14; 6:10

Itudlo sa uban nga ang Gingharian sa
Diyos lang ang solusyon sa atong mga
problema.

3 KINAHANGLAN KANG MOLIHOK SUMALA SA IMONG GITUOHAN

Unsay imong buhaton kon gusto nimo nga dawaton sa Diyos ang
imong pagsimba?

Santiago 2:19

Dili igo nga motuo lang ka sa Diyos.
Kinahanglang sundon nimo ang
giingon sa Bibliya.

Isaias 52:11; Pinadayag 17:5


Ang bakak nga relihiyon, o “Dakong
Babilonya,” nagtudlo sa mga tawo sa
pagsimba sa Diyos sa paagi nga dili
dalawaton kaniya. Ang mga doktrina
sa bakak nga relihiyon naglakip sa
Trinidad, pagkadili-mamatay sa kalag,
ug nagkalayong impiyerno.

Pinadayag 18:4, 8

Hapit nang laglagon ni Jehova ang
tanang bakak nga relihiyon. Isalikway
ang tanang butang may kalabotan sa
bakak nga pagsimba.

Marcos 10:28-30

Tingali makaatubang kag pagsupak,
pero dili gayod ka pasagdan ni Jehova.



16. PILIA ANG PAGSIMBA SA DIYOS

1 LIKAYI ANG BAKAK NGA PAGSIMBA

“Gumula kamo gikan sa ilang taliwala, ug ilain ang inyong kaugalingon, . . . ug hunong na sa paghikap sa mahugaw nga butang.”—2 Corinto 6:17

Nganong sayop nga simbahan ang mga rebulto ug mga katigulangan?

Exodo 20:4, 5; 1 Juan 5:21

Gidid-an kita ni Jehova nga mogamit ug mga rebulto sa atong pagsimba.

Deuteronomio 18:10-12

Kadtong nakig-estorya sa mga patay, sa tinuoray, nakig-estorya sa mga demonyo.

2 DILI TANANG SELEBRASYON DALAWATON SA DIYOS

“Magpadayon sa pagtino kon unsa ang dalawaton sa Ginoo.”—Efeso 5:10

Unsay makatabang nimo sa pagdesisyon kon angay ka bang moapil sa usa ka selebrasyon?

Ezequiel 44:23;

2 Corinto 6:14, 15

Sayra kon kini ba nga selebrasyon may paganong sinugdanan.

Exodo 32:2-10

Bisan pag kadtong nagpasiugda sa selebrasyon maayog intensiyon, tingali ang selebrasyon wala uyoni sa Diyos.

Daniel 3:1-27

Likayi ang mga selebrasyon nga nagpasidungog sa mga tawo, organisasyon, o mga simbolo sa nasod.

1 Timoteo 1:18, 19

Pamalandong una sa dili pa ka magdesisyon, pero paneguroa nga magpabiling hinlo ang imong konsensiya atubangan ni Jehova.

3 MAGMATINAHORON DIHANG IPATIN-AW NIMO SA UBAN ANG IMONG GITUOHAN

“Himoa ang inyong sinultihan nga kanunayng madanihon, tinimplahan ug asin, aron mahibaloan ninyo kon unsaon pagtubag sa matag usa.”—Colosas 4:6

Unsaon nimo pagpatin-aw sa uban ang imong gituohan?

Mateo 7:12

Tahora ang gituohan sa uban sama nga gusto pod nimong tahoron nila ang imong gituohan.

2 Timoteo 2:24

Pabiling kalmado, ug ayaw pakig-away sa uban tungod sa imong gituohan.

1 Pedro 3:15

Magmalumo ug magmatinahoron sa pagdependa sa imong gituohan.

Hebreohanon 10:24, 25

Sa Kristohanong mga tigom, dasigon ug tabangan ka sa uban nga manambong kon unsaon nimo pagpangatarongan dihang kuwestiyonon ang imong gituohan.



17. ANG PRIBILEHIYO SA PAG-AMPO

1 SI JEHOVA MAMATI SA ATONG MGA PAG-AMPO

“Si Jehova haduol . . . kanilang tanan nga nagatawag kaniya sa kamatinud-anon.”—Salmo 145:18

Unsay atong himoon aron pamation ni Jehova ang atong mga pag-ampo?

Hebreohanon 11:6

Kinahanglang duna tay pagtuo.

Salmo 138:6

Kinahanglan tang magpaubos ug magmatinahoron.

Santiago 2:26

Ang atong binuhatan kinahanglang nahuyon sa atong pag-ampo.

Mateo 6:7, 8

Kinahanglang sinsero ug matinud-anon kita dihang mag-ampo. Dili nato angayng balikbalikon ang samang mga pulong dihang mag-ampo.

Isaias 1:15

Kinahanglang magkinabuhi kita sumala sa kabubut-on sa Diyos.

2 KOMON NGA MGA PANGUTANA BAHIN SA PAG-AMPO

Kinsa ang angay natong ampoan?

Mateo 6:9; Juan 14:6

Kinahanglan ba nga duna tay partikular nga posisyon dihang mag-ampo?

1 Cronicas 17:16; Nehemias 8:5, 6; Daniel 6:10; Marcos 11:25

Paminawon ba ni Jehova ang atong hilom nga pag-ampo?

Nehemias 2:1-6

Unsay angayng gitawag sa atong pag-ampo?

1 Samuel 1:12, 15; Lucas 20:46, 47

Kapila ta angayng mag-ampo?

Roma 12:12; 1 Tesalonica 5:17

Nganong moingon man tag “amen” sa kataposan sa atong pag-ampo?

1 Cronicas 16:36; 1 Corinto 14:16

3 KON UNSAY ATONG IAMPO

“Bisan unsay atong pangayoon sumala sa iyang kabubut-on, siya magpatalinghog kanato.”—1 Juan 5:14

Unsa ang pipila ka butang nga mahimo natong iampo?

Mateo 6:9, 10

Iampo nga matuman ang kabubut-on ni Jehova.

1 Cronicas 29:10-13

Pag-ampo agig pasalamat.

Mateo 6:11-13

Iampo ang imong mga panginahanglan ug mga kabalaka.

Lucas 11:13

Pag-ampo alang sa balaang espiritu.

Santiago 1:5

Pag-ampo ug kaalam aron makahimo tag maayong mga desisyon.

Filipos 4:13

Pag-ampo alang sa kusog aron makalahutay.

Efeso 1:3, 7

Iampo nga mapasaylo ang atong mga sala.

Buhat 12:5

Iampo ang uban.

4 DUNGGON NI JEHOVA ANG ATONG MGA PAG-AMPO

“Oh Tigpatalinghog sa pag-ampo, nganha kanimo moduol ang tanang matang sa katawhan.”—Salmo 65:2

Sa unsang paagi dunggon ni Jehova ang atong pag-ampo?

Proverbio 12:25; Pinadayag 14:6

Gamiton ni Jehova ang mga anghel o mga tawo sa pagtabang nato.

2 Corinto 4:7


Ang iyang balaang espiritu mohatag sa tabang nga atong gikinahanglan.

Filipos 4:6, 7, 13

Siya mohatag natog kalinaw ug kusog nga atong gikinahanglan aron ta makalahutay.

Galacia 6:1; 2 Timoteo 3:16, 17

Siya mohatag natog kaalam pinaagi sa Bibliya ug sa kongregasyon.



18. KINAHANGLAN BANG MAGPAHINUNGOD KO UG MAGPABAWTISMO?

1 ANGAY BA KONG MAGPABAWTISMO?

“Tan-awa! Anaay tubig; unsay nakapugong kanako nga mabawtismohan?”—Buhat 8:36

Nganong magpabawtismo ka ug sa unsang paagi ka mabawtismohan? Ang bawtismo nagpakita nga imo nang gibiyaan ang daang pagkinabuhi ug nagsugod ug bag-ong kinabuhi aron buhaton ang kabubut-on sa Diyos.

Mateo 28:19, 20

Kinahanglan kang magpabawtismo aron makaalagad kang Jehova.

Mateo 3:16

Kinahanglang bug-os kang ilusbog sa tubig, sama kang Jesus.

Salmo 40:8

Ang bawtismo nagpakita nga gusto nimong moalagad sa Diyos.

2 SI JEHOVA WALA MAGDAHOM UG LABAW SA IMONG MAHIMO

“Kini ang kahulogan sa paghigugma sa Diyos, nga atong bantayan ang iyang mga sugo; ug bisan pa ang iyang mga sugo dili mabug-at.”—1 Juan 5:3

Nganong dili ka angayng mahadlok sa pagpahinungod sa imong kaugalingon kang Jehova?

Salmo 103:14; Isaias 41:10

Dili kinahanglang hingpit ka aron makapahinungod kang Jehova. Tabangan ka niya aron mahimo kon unsay matarong.

Colosas 1:10

Ang imong gugma kang Jehova makatabang aron mawala ang imong kahadlok nga pakyason siya.

3 MGA LAKANG ARON MAKUWALIPIKAR SA BAWTISMO

“Sa pagbuhat sa imong kabubut-on, Oh Diyos ko, ako nagakalipay, ug ang imong balaod ania sa akong kahiladman nga mga bahin.”—Salmo 40:8

Unsay kinahanglan nimong himoon aron makapahinungod ka kang Jehova?

Juan 17:3

PAGTUON SA PULONG SA DIYOS

Pagtuon bahin kang Jehova ug Jesu-Kristo. Dihang mas daghan na kag nahibaloan bahin nila, mas modako ang imong gugma kanila.

Hebreohanon 11:6

PALIG-ONA ANG IMONG PAGTUO

Ipakita ang imong bug-os nga pagsalig sa mga saad sa Diyos ug sa gahom sa halad ni Jesus sa pagluwas kanato gikan sa sala ug kamatayon.

Buhat 3:19

PAGHINULSOL

Kini nagpasabot nga kinasingkasing kang nagbasol sa tanan nimong sala.

PAGBAG-O SA IMONG KINABUHI

Kini nagpasabot nga undangon na nimo ang paghimog daotan ug buhaton kon unsay matarong.

1 Pedro 4:2

IPAHINUNGOD ANG IMONG KINABUHI

Imong ipahinungod kang Jehova ang imong kinabuhi dihang mosaad ka niya diha sa pag-ampo nga simbahon siya ug himoong pinakaimportante sa imong kinabuhi ang pagbuhat sa iyang kabubut-on.



19. PABILING SUOD KANG JEHOVA

1 SI JEHOVA NAGMAHAL KANIMO

“Gihigugma pag-ayo sa Diyos ang kalibotan nga gihatag niya ang iyang bugtong nga Anak, aron nga ang tanan nga magpasundayag ug pagtuo kaniya dili malaglag kondili makabaton ug kinabuhing walay kataposan.”—Juan 3:16

Giunsa pagpakita sa Diyos ang iyang gugma kanimo?

Salmo 91:2

Si Jehova ang atong dangpanan.
Siya makahatag natog paghupay sa
atong mga problema.

Salmo 37:29

Kita iyang gihatagan ug nindot nga
paglaom sa umaabot.

1 Timoteo 6:12, 19

Hatagan ta sa Diyos ug
kinabuhing walay kataposan sa hingpit
nga kahimtang. Kita magmalinawon,
magmalipayon, ug makabatog hingpit
nga panglawas diha sa paraiso.

2 GUSTO NI JEHOVA NGA HIGUGMAON NIMO SIYA

“Higugmaon mo si Jehova nga imong Diyos sa tibuok
mong kasingkasing ug sa tibuok mong kalag ug sa
tibuok mong kaisipan.”—Mateo 22:37

Ang gugma sa Diyos magpalihok nimo sa pagbuhat ug unsa?

Lucas 17:12-17

Pasalamat ang Diyos sa tanang butang
nga iyang gihimo para nimo.

Mateo 7:16-20

Ipakita ang imong gugma sa Diyos
pinaagi sa pagtuman sa iyang
kabubut-on adlaw-adlaw.

1 Juan 5:3

Sunda ang mga sugo sa Diyos.

1 Timoteo 6:18

Pagkugi sa pagbuhat ug
maayo ngadto sa uban.

3 PALIG-ONA KANUNAY ANG IMONG GUGMA KANG JEHOVA

“Magpabilin kamo diha sa gugma sa Diyos.”—Judas 21

Unsay makatabang nimo nga makapabiling suod kang Jehova?

1 Tesalonica 5:17

Pag-ampo kanunay.

Mateo 28:19, 20; 2 Timoteo 4:2

Buhata ang kutob sa imong mahimo
aron isangyaw sa uban ang bahin sa
Gingharian sa Diyos.

Proverbio 2:1-5

Padayon sa pagtuon
bahin kang Jehova.

Hebreohanon 10:24, 25

Tambong kanunay sa mga tigom.
Ang Kristohanong mga igsoon
makatabang nimo aron mas
masuod ka kang Jehova.